

KUTILMAGAN HOLATLARNI BAHOLASH

14. Moliyaviy hisobotlarda ko'rsatiladigan kutilmagan holatlar summasi moliyaviy hisobotlarni e'lon qilish uchun tasdiqlash sanasida baholanadi. Buxgalteriya balansini tuzish sanasidan keyin yuz beradigan va aktivlar qiymatini kamaytiradigan (shuningdek majburiyatlarni yuzaga keltiradigan) hodisalar kutilmagan vaziyatlar bo'yicha moliyaviy hisobotlarda hisobga olinishi kerak.

15. Agar kutilmagan holatlarning vujudga kelish ehtimolini hosil qiladigan vaziyat shunga o'xshash ko'plab vaziyatlar bilan bir xil bo'lsa, u holda ayrim kutilmagan holatlarning ahamiyatini aks ettiruvchi summa shunday vaziyatlar guruhida ko'rsatiladi. Masalan, sotilgan tovarlar bo'yicha kafolatlar, shubhali debitorlik qarzlari.